

## الاستقامة وأثرها في إصلاح الفرد والمجتمع | للشيخ الحويني

أبو إسحاق الحويني

فنستعين به ونستغفره ونعود بالله تعالى من شرور انفسنا وسبئنات اعمالنا. من يهده الله تعالى فلا مضر له. ومن يضل فلا هادي له  
اشهد ان لا اله الا الله وحده لا شريك له. واهشهد ان محمدًا عبده ورسوله. اما بعد - 00:00:00

فان اصدق الحديث كتاب الله تعالى واحسن الهدى هدي محمد صلى الله عليه واله وسلم. وشر الامور محدثاتها. وكل محدثة بدعة  
وكل بدعة ضلاله وكل ضلاله في النار اللهم صل على محمد وعلى آل محمد - 00:00:29

كما صليت على ابراهيم وعلى آل ابراهيم في العالمين انك حميد مجيد. وبارك على محمد وعلى آل محمد كما باركت على ابراهيم  
وعلى آل ابراهيم. في العالمين انك حميد مجيد - 00:00:51

انه من بركة قيام الوالي بامر الله عز وجل ان يوطأ الله عز وجل اكتاف الرعية له. وان يحملهم على طاعة امره لان امر الوالي انما  
يكون حينئذ من امر الله عز وجل. كما قال ابو بكر رضي الله عنه - 00:01:11

واطيعوني ما اطعت الله فيكم وهناك شينان رئيسان. لاستقامة الفرض. وهذا ثانى شينان احدهما بيد الوالي والآخر بيد الفرد وهذا  
الشينان مذكوران في حديث النواس ابن سمعان الكلابي رضي الله عنه وقد رواه الامام الترمذى واحمد وصححه ابو عبدالله الحاكم.  
وغيرهم - 00:01:39

قال صلى الله عليه واله وسلم ضرب الله مثلا صراط مستقيما وعلى جنبي الصراط سوران. وفيهما ابواب مفتوحة وعلى الابواب  
سطور مرخاة وعلى رأس الصراط داع يقول يا ايها الناس ادخلوا في دين الله ولا تتعوجونا - 00:02:20  
وفي بعض الروايات ولا تتعرج. وآآ على الصراط هذا على رأسه وهذا على الصراط داع يقول كلما اقترب انسان الى السطور المرخاة  
فاراد ان يزيلاها وان يلتج قال ويحك لا تفتحه - 00:02:59

فانك ان فتحته تلجه انتهى المثل ثم بين النبي صلى الله عليه وسلم لنا ما هذا المثل؟ قال فاما الصراط فهو الاسلام. واما السوران  
فهم حدود الله واما الابواب المفتوحة فهي محارم الله - 00:03:31

والسطور المرخاة فهي نواهي الله عز وجل. واما الداعي الذي يدعوا على اول الصراط فهو كتاب الله عز وجل. واما الداعي الذي  
هو على الصراط فهو واعظ الله في قلب كل مسلم - 00:04:03

ما اجمله من مثل لخص القضية كلها. صراط طريق ولك ان تخيل هذا وعلى الطريق سوران سور يمين وسور يسارا والسور ده فيه  
ابواب مفتوحة. وعلى الابواب ستارات سطور هناك داعيin الداعي الاول اللي هو القرآن - 00:04:23

يقول يا ايها الناس ادخلوا في دين الله ولا تتعوجونا واعتصموا بحبل الله جمیعا ولا تفرقوا. ادي معنى الكلام والداعي الآخر الضمير  
والنفس اللوامة. التي بين جنبي المعلم. فلا بد ان يستقيم هذان - 00:04:57

كتاب الله عز وجل صيانته من تحريف تأويله مهمة الامراء والعلماء الاسبوع الماضي باع واحد جاهل من ابناء الناس رأى حديثا تكلم  
العلماء فيه فطار به فرحا كل مطار. وظن انه بنقل كلام العلماء - 00:05:26

فخر بالفنية الباردة فقال هذا البارد في عنوان كبير العيب ليس في الغرب. انما العيب فيما ده يعني بخط كبير نسبيا. انما الخط  
المجعلص الكبير اوبي ده اللي هو مش هقول مسلا آآ اربعة وعشرين ولا تمانية واربعين يمكن ستين - 00:06:03

صحيح مسلم يزعم ان النبي صلى الله عليه وسلم تزوج وتم حببها وهي زوجته بالفعل انا قلت كثيرا ما كان اغنانا ان احنا نقدر  
نناحي ونتكلم ونناقش ونناظر لو جرة قلم من الوالي - 00:06:33

يقول لا يتكلم في الدين الا العلماء لاسترحتنا ولو وفرنا من الجهد والعناء ما نستغله في البناء والرفة الى متى يبلغ البنيان يوما  
تمامه؟ اذا كنت تبنيه وغيرك يهدمه. كل ما نمشي خطوة نرجع من اول السطر ثاني - [00:07:08](#)

الخطة الخمسية الملعونة ما فيش خطة وزارة في خطة وزير الدول بتتقدم ونحن نتأخر ليه لأن احنا عندنا الخطة خطة وزير مش  
خطة وزارة بيجي وزير من الوزارة زي وزير الاوقاف مسلا - [00:07:31](#)

تعاقد مع المصانع الحربية على خمس تلاف ريسير عشان ينفذ البدعة التي اراد ان يفعلها. وهي توحيد الاذان وهي بدعة لا شك في  
بعديتها ولجان الفتوى افتت ببعديتها. ولا يمكن لنا نظر عالم بالسنة ان يوافق على هذا ويقول يا مشروع - [00:07:52](#)  
او هي مسنونة خمس تلاف رسير يكلفه خزينة الوزارة قد كده. يتusal الوزير. بيجي واحد بعده يقول ايه العك ده؟ ده كله كلام فارغ  
تكبدت الوزارة ثمن خمس تلاف رسير - [00:08:16](#)

ويجي اللي بعديه يقول لا الكلام ده غير صحيح كذلك في كل وزارة يجي واحد ينفذ خطة بيجي اللي بعديه يقول ده ما بيفهمش  
كيف ينفق هذه المليارات في هذا العمل الخايب الفارغ - [00:08:34](#)

ويقوم لاغي القصة كلها ونفذ اللي في دماغه. يبقى خسرنا مليارات وهنخسر مليارات ويأتي الذي بعده يحزف كلام ده كمان ونفضل  
في الخساير مسلسل مستمر. جر قلم لا يتكلم في الدين صحيقي ولا يتكلم في الدين الا اهله - [00:08:47](#)

كنا استرحتنا الجاهل ده بيشير الى حديث رواه الامام مسلم من حديث ابن عباس قال كان المسلمين لا يجالسون ابا سفيان ولا  
ينظرون اليه لا يقاعدونه ولا ينظرون اليه فقال يا رسول الله اعطني ثلاثا - [00:09:13](#)

الاولى ازوجك ام حبيبة وهي اجمل نساء العرب وان تأمرني على جيش المسلمين فقاتل الكافرين كما كنت اقاتل المسلمين والثالثة  
ان تجعل معاوية كاتبا بين يديك فقال صلى الله عليه وسلم له نعم - [00:09:44](#)

قال الراوي ولو لا ان رسول الله صلى الله عليه وسلم ما كان يقول لسائله لا ما اعطيه شيئا منه طيب ايه الاشكال قال لك كيف يقول له  
ازوجك ام حبيبة؟ - [00:10:18](#)

وام حبيبة كانت زوجته صلى الله عليه وسلم بالفعل تعرف ام حبيبة اسمها رملة ده الاسم المشهور وقيل هند كانت هاجرت الى  
الحبشة مع زوجها عبدالله بن جحش فتنصر ابن جحش هناك ومات - [00:10:44](#)

وثبتت ام حبيبة على دينها فارسل النبي صلى الله عليه وسلم الى النجاشي يخطبها فاصدقها النجاشي باربعة الاف درهم او في  
الرواية المشهورة باربعمائة دينار. دينار بعشر دراهم يعني اربع تلاف درهم يعني - [00:11:08](#)

وجهزها وارسلها الى النبي صلى الله عليه وسلم وكان الكلام ده في سنة سبع وقيل في سنة ست وسبعين اشهر ومعلوم عند كل علماء  
السير ابا سفيان وابنه معاوية رضي الله عنهمما اسلما سنة ثمان في فتح مكة - [00:11:33](#)

ومعروف ايضا عند اهل السير ان ابا سفيان لما دخل المدينة في ايام الهدنة بعد صلح الحديبية ودخل بيت النبي صلى الله عليه وسلم  
واراد ان يجلس على السجادة قالت امه حبيبة السجادة من تحته - [00:12:02](#)

وقالت لا تجلس عليها وانت امرؤ كافر كل هذا معلوم عند اهل السير ومقطوع به عندهم فازاي بقى يقول له ازوجك ام حبيبة وهي  
اجمل العرب؟ والنبي صلى الله عليه وسلم يقول له نعم نعم اقبل تزويجك - [00:12:24](#)

الحاديis ده الائمة استشكلوه وانا وصفت هذا الرجل بالجاهل قبل ذلك ليس لانه نقل ظفر بحديث آآ افترى فيه لا هو جاهل لانه لا  
يعلم وجه تأويله وانا لو احسنت الظن به لقلت وصل الى تأويله ولكن كتمه - [00:12:46](#)

انت عارف فيه صحفيين كده وانا اعرف كثيرين من الصحفيين دول بيحبو يفلفلوا بيقول لك عايزين خبر يدق الدنيا انا بييجيني  
صحفيين انزل للصلة الاقي صاحبي واقف تحت البيت عندي. يقول احنا من جريدة كزا وكزا عايزين نعمل معك حوار -  
[00:13:18](#)

تقول له يا بني انا لا حوار بيبني وبينكم انا لا اعطي صحفيابدا كلاما لي لقد بلوناكم وجربناكم ان لم يفترى بحث عن فري فان لم  
يجدها الفها. وطبعا يمكن انا قلت لكم قبل كده من سنوات مضت - [00:13:38](#)

قصة رجل صحفي مشهور كان يحرر بابا في اخبار اليوم الصفحة قبل قبل الاخرية تحت عنوان ابو نضارة عارفين ان انت طبعا الباب ده. ده الصحفي المشرف على هذا كان رجلا لاما انذاك واستمعت الحوار ده في الاذاعة - 00:14:03

ذكرياتك الصحفية ومش عارف ايه والكلام ده قل قالوا قل لنا خبر غريب جدا عمل اشكال الخبر ده انت عملته فقهه طبعا في الاول لانه سيقول طرفة طرفة نفيسة. قال كنا منتظرین خبر يجيئنا من برة - 00:14:25

فتركتنا له حوالي تسعه اسطر في عمود في الصفحة الاولى اخبار الطوارى يعني اخر خبر من الوقت والجريدة لازم تدخل للطبع والخبر ما جاش فطبعا لا يمكن هيطبع الجريدة وفيها العمود الابيض ده. او التسعة تسطر البيضة دي. فقدع يفكر نعمل ايه؟ نعمل ايه؟ فكتب عنوانا ذئب في - 00:14:44

مهندسين وبعدين قال وقال شهدود العيانة رأينا ذئبا نتجول في الشوارع ومش عارف ايه والكلام ده فمطلوب من الايه رئيس الحي يدور على الدibe ده وبالله التوفيق. طلع الخبر والراجل عمره ما تصور في يوم من الايام الخبر ده ممكن يعمل مشكلة - 00:15:08 اهو حب يمل فراغ بس ما فيش ما عداش تلات اربع تيام الا والدنيا مقلوبة المهندسين اولاد الذوات ودب عندهم ازاي الكلام! طب وعيالنا اللي بينزلوا المدارس! الدibe هيأكلهم! آآ اتصل طبعا ناس ربيع المستوى وناس مناصب والكلام ده وبتاع! اتصلو رئيس الحي! فين - 00:15:27

عايزين الدibe من ديله لازم تجيئه. طبعا بدأ ايه يدور على الدibe ومش عارف ايه والكلام ده. ما عداش اسبوعين الا والصفحة الثالثة اللي هي تعتبر اهم صفحة في جريدة - 00:15:49

تحقيق موسع عن الدين. نزل بقى الصحفيون في الشوارع ياخدوا رأي الناس. ايهرأيكم؟ ده كلام فارغ. دولة ما لهاش مش عارف ايه وهو يقول لك مش عارف ايه واحنا خايفين على ولادنا وبتاع المهم اتشال رئيس الحي فيها. خلاص؟ طبعا بعتوا جابوا رئيس الحي - 00:16:01

من طنطا ولد فلاح وبيشوف كلاب كتير ولاد عم الديابة والكلام ده وعرف القصة وعلى البتاع ده حب يخلص الموضوع ما عداش تلات اربع خمس تيام على ولادته لرئيسة الحي - 00:16:21 الا ودبر بليل جابوا كلب كده ولبسوه باروكة شعر ومش عارف ايه ودلله ومش عارف تخن كده وحاجة تخوف يعني. وجاب مصور واتنين كل واحد ببنديمة ومكتفين الكلب طبعا المسكين دهوت وقاموا جايين في شارع فاضي خالص وزنلوا الكلب وقاموا منشنين رصاصتين ثلاثة - 00:16:37

والراجل التقط الصورة وفي الآخر عثروا على الايه؟ عثروا على الذئب. خلاص؟ بدأوا يهنهوه ومش عارف ايه والكلام ده. ادي قصة صاحب. حط في خبر من بنات افكار فهؤلاء يكترون فيهم الافتراء - 00:16:57

لا سيمما الصحفي اللي مطلوب منه يكتب مقالة كل يوم انا بستغرب والله يعني انا لما بيكون عندي خطبة الجمعة وعندني جمعتين في الشهر. انا بقى مرعوب من الجمعة والخطبة قل هقول ايه - 00:17:13

واقعد الف طول الاسبوع تايده مش عارف اقول ايه متى اهتدى لما اقول بعد ما اصلی الفجر يوم الجمعة ابتدى اعرف انا هقول ايه وبقى خايف ونفسي حد يشيل عني الجمعة - 00:17:29

ولما ماحطبيش الجمعة ابقى فرحان جدا عشان هاسمع واستزدح واقوم كده الصبح لا مكروب ولا خايف ولا حاجة من دي ده مطلوب منه كل يوم مقالة يجيب منين؟ هو الجبرتي - 00:17:46

فاللي عايز ده يعمل اي حاجة يدور على اي مصيبة المهم يمل الفراغ لانه بيقبض مرتبه خلاص فما فيش اي مانع راجل متخصص يقول لك في الاسلاميات او في اثاره النفع على الاسلاميات يسمع اي حد بيقول كده يقول له معلش الله يكرمه اكتب لي بس ايه خلاصة - 00:18:02

اعتراضنا وبعدين يسبقوا بقى بالكلام الصحفي بتاعه ويطلع لي مقال اهو جاهم عشان كده بيقول لك قال النووي وقال ابن الجوزي واحد بالك ازاي؟ وجيب الاسماء الكبيرة اللي انا عارف انه ما يعرفش عنها حاجة - 00:18:23

اه الحديث ده للعلماء قالوا انه من المشكلات فعلا. والنبووي قال لك قال الامام النووي في شرح مسلم هذا من الاحاديث المشكلة وهي كثير. احنا قلت لا يمكن بمعرفتي بالنبووي يقول كلمة وهي كثير ديت - [00:18:37](#)

يعني اغلب الاحاديس مشكلات يعني فقمت جايب شرح نبووي وفتحت بقى الكتاب علشان اشوف القصة دي. ما لقتش وهي كثير دي من عنده عشان يبين ان الدين كله مشاكل وان الاسلام لم يقطع بشيء والناس معذورين اللي بيقول يمين واللي بيقول شمال واللي بيقول فوق واللي بيقول تحت معذورين لأن الدين ليس واضح - [00:18:59](#)

وحديث مشكلات طب ايه المشكلة؟ قال لك اهو. معروف يا اهل السير بيقولوا انه تزوجها صلى الله عليه وسلم سنة سبع. وجاي ابو سفيان بيقول له ازوجك ام حبيبة اجمل العرب. العلماء طبعا - [00:19:23](#)

خاضوا وجعلوا يجمعون بين هذا الحديث وبين ما ورد في السير تسعة وتسعين وتسعين من عشرة من العلماء بحثوا عن مخرج لتأويل الحديث وواحد في المية الذين انكروا هذا الحديث - [00:19:38](#)

وقد يعني تجراً ابن حزم كعادته وقال هذا حديث موضوع على النبي صلى الله عليه وسلم فلا جرم انشن عليه ابن الصلاح الغارة وهو حق اذ كيف يدعى انسان عالم ان في صحيح مسلم احاديث موضوعة - [00:20:08](#)

وقد برأ الله هذا الكتاب الجليل من هذا بحمد الله وقال هذا من جسارتة على اتهام الائمة لما اقول تسعة وتسعين وتسع من عشرة بحثوا عن مخارج لأن هؤلاء العلماء يعلمون قدر الشريعة - [00:20:33](#)

وان اي تعارض ما بين دليلين انما يقع في الذهن ولا يكون في الاصل في اصل الادلة فان كلام الله ورسوله يصان عن التعارض. انما التعارض يقع في ذهن المجتهد. لم يصل الى دالة هذا - [00:20:52](#)

او ذاك لم يصل الى الدالة المشتركة بين هذا وذاك حتى يجمع بينهم بوجه من وجوه الجمع المعروفة الذي يهمني في المسألة وجهان من وجوه الجامع التي ذكرها العلماء. وهي في نظري اقوى الوجوه كلها - [00:21:12](#)

الوجه الاول وقد اختاره ابن الصلاح وهو كان ابا سفيان قال للنبي صلى الله عليه وسلم انك تزوجتها على الرغم مني وانا كاره لانه كان اذ ذاك كافرا وانا رجل رأس في قومي - [00:21:33](#)

وعيب في حقي ان تتزوج ابنتي وانا كاره فالآن بعدما اسلمت قد رضيت فاريد ان انا شرف ان اكون ولها خلاص؟ فهذا محمول على انه جدد العقد له خلاص - [00:21:58](#)

يبقى قوله ازوجك ام حبيبة ايجعلني موافقا حتى ارضي لان ده فيه تتحقق ده بيقى حمى النبي يا له من حمو يعني شف عمر ابن الخطاب في الحديث الذي رواه البخاري. من حديث عبدالله بن عمر - [00:22:21](#)

قال تأيمت حفصة بنت عمر من خنيص بن حداقة السهم وكان قد مات بالمدينة فعرضها على عثمان عثمان قال انزرني فجاء بعد ليالي فقال قد بدا لي الا اتزوج في يومي هذا - [00:22:41](#)

فعرضها على ابي بكر فلم يرجع اليه بشيء. قال له لأ. ولا قال له نعم فقال فلبست ليالي فخطبها رسول الله صلى الله عليه وسلم. فانكر تحتها اياه قال بعض العلماء تتحقق بهذا - [00:23:01](#)

فرحان انا بقى انا حماة واحد بالك فانكحتها اياه قال فلقي ابي بكر عمر فقال له لعلك وجدت علي اذ لم ارجع اليك بشيء قال نعم قال والله اني سمعت رسول الله صلى الله عليه وسلم يذكرها - [00:23:25](#)

وما كنت لافشي سرا لرسول الله صلى الله عليه وسلم. يا سلام على ابي بكر ده ليس له نظير نسيجة واحدة لا يجري في مضماره احد ولو شق نصفين مجرد بس ان انه سمع النبي صلى الله عليه وسلم بيقول ايه؟ ايه اخبار حفصة - [00:23:53](#)

طب وايه اللي فيها دي وما الذي ادرى ابا بكر انه يريد ان يتزوجه ها هي دي الامانة بقى اللي احنا بنوصي المسلمين به قال صلى الله عليه وسلم المجالس بالأمانة - [00:24:18](#)

وقال صلى الله عليه وسلم اذا حدث الرجل الحديث ثم التفت فهي امانة بقول الكلام ده للخونة اللي يجلسوا في المجالس الخاصة ويسجلوها من وراء ضهر صاحب المجلس. ويطلع برة ينشرها على اسطوانة ويحطها على النت - [00:24:36](#)

هذا خائن وبكل اسف حمل في عنقه مظلمة النبي عليه الصلاة والسلام بيكول اهو المجالس بالامانة اذا قعدت معك جلسة. لا يحل لك ان تفشي شيئا منها الا باذني ممكنا ان انت تسمع كلام تتصرور انه كلام عادي ورطني يعني - [00:25:01](#)

مع جاري مع اخي مع اختي مع زوجتي انت شايف ان ما فيهوش حاجة لكن هو عندي فيه حاجات فهذا اذا التفت وتركني وترققنا صارت امانة في عنقك هو ابو بكر الصديق نفذ هذا حق تنفيذه - [00:25:25](#)

النبي عليه الصلاة والسلام بيكول ما فعلت حفصة خلاص اعتبره سر من الاسرار ما كان ليفشيه. دي نمرة واحد. نمرة اتنين انه من كثرة ملاحظته للنبي صلى الله عليه وسلم. والباعث على هذا تمام المحبة - [00:25:45](#)

عرف ما يدخل في باب السر وما لا يدخل. واي محب اسئلته عن حبيبه يصفه لك ادق من الكاميرا المسجلة يفهم التعريض بتاعه ويفهم التورية ويفهم التتصريح ويفهم نظرة العين - [00:26:04](#)

بل يفهم النفس اذا دخل او خرج فعمر بن الخطاب يعني كما قال بعض العلماء تبجيح ان هو ايه انه زوج النبي صلى الله عليه وسلم قال وافقت على زواج ابنتي منك - [00:26:28](#)

حاجة كبيرة اوي فكان ابا سفيان اراد ان يحظى بهذا اذ فاته الشرف الاول وكان النبي صلى الله عليه وسلم لا يقول لا ده كلام ابن الصلاح شرحه يعني النووي - [00:26:48](#)

استدرك على ابن الصلاح استدراكا ولكنها ايده من وجه اخر قال وليس في الحديث انه جدد العقد له خلاص بيقى يحمل كلام ابن الصلاح على انه وافق اتكالا على الزواج الاول. بدون ما يجيئه ويقول له ايه؟ زودني - [00:27:07](#)

فلانة قبلت ما عملش اجابة وقبول. انما قال له خلاص لك ذلك. يبقى المسألة تمت ايه شفوية خلاص؟ طبعا ابن القيم رحمه الله استرذل هذا الجواب واستقبحه وما اراه قبيحا - [00:27:34](#)

بل له وجه من القوة واستجود وجها اخر وهو الوجه الآخر الذي اخترته وهو ان ابا سفيان اراد ان يزوج ابنته له يقال لها رملة او هند وتكتن باه حبيبة ايضا - [00:27:52](#)

اراد ان يزوجها رسول الله صلى الله عليه وسلم. ولم يكن عنده علم ان الجمع بين الاختين من المحرمات ولا بأس بذلك فلم تعلم هذا الجمع ام حبيبة نفسها كما رواه البخاري ومسلم من حديث زينب بنت ام سلمة - [00:28:16](#)

عن ام حبيبة قال قالت يا رسول الله هل لك في بنت ابي سفيان فقال لها افعل ماذا قالت تتزوجها فقال لها او تحبين ذلك قالت لست لك بمخلية - [00:28:47](#)

مش انا لوحدي ده انا معي اخريات واحد من شاركتني في خير اختي. طالما العملية كده ومش انا مني لك. وفي اخريات اختي اولى اهي دي بقى من فوائد التعدد. ها - [00:29:17](#)

مش عايز النسوان يزععلوا. بس ايه انا عاداتي كل ما الاقي فايدة كده التقاطها ما اقصدش حاجة. تمام؟ ايه بقى الفايدة اللي فيها في التعدد انه يعلم المرأة الانصاف طيب طالما ان آآ في اخريات معي - [00:29:40](#)

فطابت نفسها ان تعرض اختها تجد المرأة التي قبلت ان يعدد زوجها وان يتزوج عليها اكثر انصافا وقبولا لأن يتزوج عليها من المرأة التي انفردت بزوجها يعني واحدة مثلا اذنت ووافقت ان يتزوج زوجها. بقى عنده زوجة تانية - [00:30:02](#)

لما يحب يتجوز تالتة الثانية اول ما تعترض ولا بتعترض الايه طب ما انت دخلت على واحدة قبك فكيف تنكرون تنكرين ان يدخل عليك اخرى ولو راحت تشتكى لاهلها وطوب الارض يقولوا لها هزا الكلام. فبتقبل - [00:30:35](#)

تمام وما بتهدش البيت ولا بتغصب عند اهلها ولا الكلام ده خلاص ان غضبست ترجع بسرعة حتى لا يفوت قسمها تمام ان اتجوز تالتة حب يتجوز رابعة دواليك لكن عنده امرأة واحدة فقط - [00:31:00](#)

تحب يتجوز تعجب وما ترجععش. واهلها يغرونها بخراب البيت. ولازم تقعدى وتهتجوزك ست سيدى وهنربىه ويجرجوه في المحاكم ويبددوا القايمة وتضرب نفسها بمطواة وتروح تعمل له تقرير. واحد بالك؟ والكلام ده كله حادث. في حين مثلا انه انهم لو - [00:31:23](#)

ظبطوه متبسا بزنا عينك اهو او كان لا يصلي فغضبت المرأة العفيفة. وذهبت الى بيت اهلها. ليه يا بنتي ده ضبطه بيذني.  
معلش يا بنتي هيتوب عندك اولاد وعندك بيت وخراب البيت والكلام ياما ناس كانوا وحشين ورجعوا - [00:31:50](#)  
ها طب ده ما بيصليش هو انت هتحاسبني مكانه ها ويطلع الكلام بهذه الايه بهذه الطريقة اذا فعل ما هو مشروع له خربوا البيت.  
يفعل ما حرم عليه يتاؤلون له - [00:32:15](#)

فهي لما بييجي تقول لست لك بمحلية. طالما ان انا معندي نسوة او اخريات خلاص يبقى اختي اولى. تمام؟ فعلمها خلق الايه؟ الانصاف  
وقبلت ان تشاركها امرأة اخرى سعادتها مع زوجها ابتغاء مرضات الله - [00:32:31](#)  
وانا اقول واكرر ان التعدد الان شر وجهاد الاحصائية اللي نشرتها الاهرام من حوالي اربع شهور ان في مصر كلها اكتر من  
تلتasher مليون مطلق وارمل وعانس. تلتasher مليون - [00:32:54](#)

منهم ستة ملايين في القاهرة الكبرى الجبيرة ستة ملايين دول يروحوا فين هو مات زوجها اليه لها حق السعادة ولا بتحكموا عليها  
بالاعدام خلاص مات زوجها يبقى انتهت القصة بالنسبة لها - [00:33:26](#)  
خليها امرأة عفيفة ولا تريده النساء. من يكسر اولادها ومن يؤنس وحدتها ووحشتها وازا واحد في مطب مين اللي يقف جمبها  
وكذلك المرأة المطلقة ليه النساء عمالين يحرجوا ما وسعه الله - [00:33:46](#)

لما قال فانكحوا ما طاب لكم ان النساء مثنى وثلاثي ورباع. ان النبي صلي الله عليه وسلم اخبرنا ان امرأة بغيها دخلت الجنة فيه كلب  
سقته هذا دي مش كلبة بقى دي امرأة مسلمة - [00:34:06](#)

وكانت سعيدة في يوم من الايام ولها بيت ايام تجري عليك ايتها الرافضة. وتترملين او تطلقين. وتتمنين من اعماقك لو كفلك رجل  
فده بيعلم المرأة خلق الانصاف هنا وتحببين ذلك؟ قالت لست لك بمحلية - [00:34:23](#)  
وخير من شاركتني في خير اختي فقال انها لا تحل لي تمام فقلت اننا حدثنا ايه اللي خلاها تعرض العرض ده بقى اننا حدثنا انك  
ستننكح درة بنت ابي سلمة - [00:34:45](#)

فقال لها بنت ام سلمة قالت نعم. قال انها لو لم تكن ربيبة في حجري ما حلت لي لان ثوبية ارضعتني وارضعت اباها ابا سلمة فهي ابنة  
اخي من الرضاعة - [00:35:13](#)

فقال لها يعني هناك سببان للتحريم السبب الاولاني انها ربيبة كما قال تعالى في المحرمات وربائكم اللاتي في حجوركم من نسائكم  
اللاتي دخلتم بهن فان لم تكونوا دخلتم بهن فلا جناح عليكم - [00:35:41](#)  
المرأة المطلقة او المرأة الارمل عندها وبنت من زوجها السابق تمام؟ العادة ان الحضانة تكون للمرأة لا سيما والبنت صغيرة فالعادة  
ايضا ان المرأة تحتضن ابنتها من زوجها السابق في بيت زوجها الجديد تمام فصارت حينئذ ربيبة - [00:36:03](#)  
رباها في حجره خلاص؟ واشترط رب العالمين لذلك ان يكون الرجل دخل بالمرأة فان عقد على المرأة ولم يدخل بها جاز له ان يتزوج  
هذه الابنة اما اذا دخل بها فصارت بمنزلة ابنته - [00:36:32](#)

تمام كده فقال هذا سبب اول للتحريم انها ربيبتي. السبب الآخر لو لم تكن ربيبتي لحرمت بالرضاعة. ليه؟ لأنها ابنة اخي من الرضاعة  
وقد ارضعت سوبية رسول الله صلي الله عليه وسلم - [00:36:57](#)

وابي سلمة آآ رضي الله عنه تمام يبقى ايه يبقى قالت لست لك بمحلية وخير من شاركتني في خير اختي. فقال لك ابو سفيان كان  
عنه بنت فاراد ان يزوج النبي صلي الله عليه وسلم ولا علم له بالتحريم. نقول ما فيش مش بعيد يعني. ازا كان بنته - [00:37:17](#)  
اليوم حبيبة لزوج النبي صلي الله عليه وسلم والتي امنت قدি�ما خفي عليها هذا الحكم وان الجمع بين الاختين لا يجوز اخفاوه على  
ابي سفيان بعيد وهو حديث عهد باسلام - [00:37:44](#)

ما ليس بعيد قال لك ولكن وهم بعض الرواة فظنها ام حبيبة فسمها خلاص يبقى اذا الخطب سهل يبقى غلط في الاسم نشيل الاسم  
ده ونحط الصواب ويستقيم الكلام. قال لك طيب الكلام ده جميل بس فيه اشكال - [00:38:02](#)  
وهو ايه؟ وهو قوله فقال له النبي صلي الله عليه وسلم نعم. اي انا موافق. الله طيب ازا كانت ازا كان عرض بنته دي غير ام حبيبة.

على النبي عليه الصلاة والسلام. افخفي تحريم الاخرين على النبي صلى الله عليه وسلم حتى يقول نعم قال لك - 00:38:28  
اللفظة دي من كرة ان هو وافق على ايه؟ على طلب ابي سفيان اذا اعتبرنا ان هذا الوجه صحيحا. وهو ايه؟ ان يا ابو سفيان عرض  
بنته الثانية فنقول اهل العلم يقولون - 00:38:50

اذا تعارض دليلان او خرج كلام يعارض دليلا اما ان نأول الكلام تأويلا سائغا واما ان نرده يبقى عندنا حاجة اسمها الجموع حاجة اسمها  
ايه؟ الترجيح جميل اوي طيب فقال له نعم - 00:39:06

مش دي موافقة هنسلم النقابة ان الوجه ده سليم وصحيح وهو احسن الوجوه كما قال ابن القيم وان بيعرض عليه بنته الثانية ينفع  
النبي عليه الصلاة والسلام يقول نعم ما ينفعش - 00:39:37

يبقى لازم الراوي غلط والصاق الغلط بالراوي اولى انا بقول لك بقى ده اسمه ترجيح ولا جمع؟ اغلط الراوى ده اسمه ايه ايه يا جماعة  
العمل ناحي وهاتي والمحاضرة اللي فاتت كانت كلها في الاصول. ها؟ ده اسمه ترجيح - 00:39:52  
لان ايه معنى الجمع؟ الجمع ان تعمل الدليلين جميعا. ما ترميش واحد منهم خلاص الترجح ترمي واحد وتأخذ الثاني خلاص كده  
طيب لما قال الراوي غلط ده خده ولا رماه - 00:40:21

رماه ها جميل اوي. ده يبقى اسمه ترجح ولا جمع؟ ترجح العلماء قالوا بقى احنا بنرتتها الجمع او لا فان عجزت عن الجمع فالترجح.  
يبقى من يسبق من؟ الجمع ولا الترجح؟ الجمع يسبق. طب ليه الجمع - 00:40:40

يسبق الترجح قال لك لان الاصل في الدليلين الاعمال لا الاعمال الاصل ان تعمل الدليلين معا لان تهمل احدهم واعمال الدليلين اولى  
من اعمال احدهما احدهما حلو كده؟ طيب احنا عايزيين نجمع - 00:41:07

الترجح ما فيش اسهل منه ده غلطان وهم قافلين الباب. طب والجمع قال لك يا اخي يبقى الكلام انما قوله صلى الله عليه وسلم نعم  
يتنزل على ما يوافق الشرع - 00:41:33

خلاص يتنزل على ما يوافق الشرع لانه لن يوافق على ما خالف الشرع. فدي حاجة المفروض تبقى مفهومه خلاص اديكم مسال عندنا  
في اصول الفقه حاجة اسمها دليل الخطاب او مفهوم المخالفة - 00:41:55

والكلام ده احنا شرحناه المرة اللي فاتت. قلنا الدليل له وجه وبطن خلاص كده الوجه ده اسمه المنطق والبطن ده اسمه المفهوم تمام  
كده المفهوم ده قسمين. زي المنطق او قسمين برضه. المنطق منطق صريح منطق غير صريح - 00:42:20  
والمفهوم مفهوم موافقة ومفهوم مخالفة. انا مش عاييز غير مفهوم المخالفة تمام مفهوم المخالفة قال لك هو عكس المنطق او هو  
معنى اللفظ لا في محل النطق وضرينا المثل بايه - 00:42:50

في الغنم السائمة زكاة. فاكرين ولا لأ؟ وان جاءكم فاسق بنينا فتبينوا ان جاءكم فاسق ده المنطق ولا المفهوم؟ ده المنطق اللي هو  
الكلام اللي واضح. الاية جت علشان خبر الفاسق ولا خبر التقى؟ عشان - 00:43:16

زي الحكم خبر الفاسق. جميل قوي. ده المنطق. طب المفهوم؟ وان جاءكم تقى بنينا فلا تتبينوا. يبقى كلها يبقى عكس بعض ولا لأ؟  
يبقى التقى عكس الايه؟ الفاسق وتتبينوا عكسها ايه؟ لا تتبينوا. جميل اوي. كثير من اهل العلم ذهبوا الى ان دليل الخطاب حجة -  
00:43:35

الا في حالة من الحالات وهي انا هبسطها جدا بس رکزوا معي. لان ده الشرع بتاعنا جميل ومرتب ولما جا حل يدخل فيه برقتته كده  
تقطيع ده عامل زي السكاكيين زي ما يكون ايه سكاكيين شغالة كده. تدخل برقتتك هتقطع. يدخل واحد عالم يعرف يفادي نفسه -  
00:44:05

ها ان هذا الدين متين فاوغل فيه برفق تمام كده قال لك اذا خرج المفهوم مفهوم المخالفة مخرج الغالب فلا يكون حجة يعني ايه  
مخرج الغالب قال لك في حالة غالبة في البلد - 00:44:34

عرف في البلد زي الجاهلية كان المرابي يفضل يمتص في دم المحتاج لحد ما يخليه جلد على العضم وكان ده اسمه في الجاهلية الربا  
المركب الربا الايه؟ الموكل زلمات بعضها فوق بعض. دماء بعضها تتلو بعض - 00:44:57

يبقى عندنا ربا بسيط ودي يبقى ايه مركب اللي كان موجود في الجاهلية الربا المركب واحد خد من واحد قرشين بعد قد ايه؟ قال له بعد شهرين. جه بعد شهرين قال له ما جتنيش فلوس. يقول له ماشي. ازود لك المدة - [00:45:24](#)

واضعف الایه؟ الربا كنت مديك ميت جنيه بمية عشرة يبقى اديك مهلة تانية كمان بعشرة جنيه. يبقى ايه؟ يبقى مية جنيه بمية عشرين تمام؟ ويفضل المسكين مش عارف يسد الديون وعمال يسد في فوائد الديون - [00:45:44](#)

والدين متراكب عليه لحد ما يبقى الفايده قد الدين ده اسمه الایه الربا المركب فقال الله عز وجل يا ايها الذين امنوا لا تأكلوا الربا اضعافا مضاعفة ده اللي اسمه الربا الایه؟ جميل. الایه دي منطقها تحريم الربا المركب - [00:46:01](#)

مش كده؟ طيب مفهوم المخالفة ان تأكل الربا البسيط. صح كده؟ يعني لا تأكلوا الربا اضعافا مضاعفة وكلوه ضعفا واحدة مش ده مفهوم المخالفة اه طب ده ينفع ليه لأن عندنا اية حرمت قليل الربا وكثيرة - [00:46:32](#)

تمام كده والآيات التي حرمت كثير الربا وقليله. داخلة في باب المنطق ولا المفهوم؟ المنطق تمام كده لأن الآيات واضحة يا ايها الذين امنوا اتقوا الله وذرروا ما بقي من الربا - [00:47:01](#)

ان تنتم مؤمنين يبقى ده منطق ولا مفهوم؟ جميل يبقى الایة ديت المنطق ده تعارض مع مفهوم الایة لا تأكلوا الربا اضعافا مضاعفة ولا ما تعارضش عارض قال العلماء اذا تعارض منطق مع مفهوم حنقدم مين؟ المنطق ليه - [00:47:22](#)

لان دلالة المنطق اقوى. لأن اللفظ انما سيق لدلالة المنطق وجاء المفهوم تبعا الكلام ده واضح؟ ها؟ طيب معلش يعني ايه زاكروه تاني خلاص كده؟ يبقى مفهوم المخالفة اذا لم يعارضه من طوب حجة - [00:47:48](#)

فان عارضه من فقد ايه؟ يبقى مفهوم المخالفة ملغى ده بقى قول العلماء اذا خرج مفهوم المخالفة مخرج الغالب لا يعمل به. لأن الله عز وجل انما نهاهم ان يأكلوا الربا على غالب ما كان يفعله القرشيون - [00:48:13](#)

مش انه اباح الربا البسيط لأ وهذا كقوله تعالى ايضا ولا تكرهوا فتياتكم على البغاء ان اردن تحصنا طيب افترض انها لم ترد تحصنا. مبسوتة بالعملية دي ها ولا ترى فيها غضاضة. افيجوز ان نكرهها على البغاء؟ ها - [00:48:38](#)

طيب تعالوا نشووف الایة تاني منطقها ومفهومها المخالف ولا تكرهوا فتياتكم على البغاء ان اردن تحصنا مفهوم المخالفة ايه فان لم يردن تحصنا فيجوز اكراههن على البغاء مش كده طيب الكلام ده ينفع؟ ليه؟ لأن عندنا دليل مستقل بتحريم الزنا - [00:49:06](#)

فاذًا تعارض دليل منطق نزل في حكم خاص كتحريم الزنا مع مفهوم جرى الغالب لأن الزمان كان الواحد مسلا يقول للجارية بتاعتته انا معذور ازهابي لفلان فاستبدعي بل كانوا يفعلون هذا مع زوجاتهم الحرائر. مع زوجاتهم الحرائر - [00:49:39](#)

شف الرجال ولها ايه انا شعري اكلة منيل بنيلة انا عايز آآ ولد شعره مسبب وعيئنه خضر والكلام ده. جارنا ده مسبب عيني خضراء رح اشتغلي معه اذهبى فاستبدعي من فلان - [00:50:06](#)

يبغون بذلك نجابة الولد شوف الدايس اللي القردة عندهم نخوة احسن منهم واحد بالك؟ ده حتى الكلاب يعني انت عارف ساعات تلaci كلبة ووراها عشرميت كلب. خلاص اذا يعني بصبصت لواحد واصل البصبة هي ان يحرك ذيله - [00:50:20](#)

خلاص تحريك الذيل يقول لك بيبصبص. عشان كده استعاروا الكلام ده لايه؟ لبني ادم. يقول لك بيلعب بدileh بيلعب بدileh يعني بيبصبص تمام؟ فاذًا بصبصت لكلب ما فيش كلب يعرف يقرب بعدما اختارتنه. ابن الكلب ده. ها؟ ده حتى الكلاب عندها - [00:50:45](#)

ده دول ما كانش عندهم نخوة حتى جاء الاسلام فرفع من هممهم. فكانوا فكان زمان بقى الواحد عنده ابا واثنين وتلاتة يقوم يروح ايه؟ يأجرهم تجيب له مش عارف كم درهم وده كم دينار ومش عارف ايه والكلام ده في الآخر يبقى راجل مالي كرشه بالایه؟ باموال البغاء - [00:51:05](#)

يبقى ده كان عرفا جاريا هناك ام لا كان عرفا جاريا. فاذا خرج المفهوم مفهوم المخالفة يعني. مخرج الغالب يبقى لا مفهوم له لأنك ستتجدد له منطقا معارضًا مثله ايه كمان - [00:51:26](#)

قوله صلى الله عليه وسلم لا تصوم امرأة وزوجها شاهد الا باذنه غير رمضان فالرجل موجود في البيت ليس مسافرا المرأة عايزه تصوم اثنين وخميس لازم تاخذ ازن من زوجه - [00:51:41](#)

والا يرد عليها صومها شف بقى يعني طاعة الزوج في المعروف شف واصلة لدرجة ايه مع ان الصيام تطوع محض عبادة محضر ليس فيها حظر نفس الصيام بالزات قال الله عز وجل في الحديث الالهي كل عمل ابن ادم له الا - [00:52:09](#)

الصوم فانه لي ونجزي به. مع ان الصوم للانسان برضو. قال لك لان كل حاجة تدخلها الرياء وحظ النفس الا الصيام. ممكن يجي المسجد يصللي عشان الناس ايه يشوفوه رايح جاي وفي الصف الاول وبتاع وبعيط في الصلاة وبيسجد مش عايز يقوم. خلاص؟ فيقول لك والله الرجال ده ورع وتقى وشف عالمة الصلاة في وشه - [00:52:29](#)

عاملة ايه والكلام ده؟ ممكن. ودي الصلاة اللي هي يعني اعظم اركان الاسلام العملية انما الصيام بيبقى لوحده والتلاجة شغاله والعصير موجود وحيموت من العطش ويفتح ويمسك العصير ويحطه على دماغه كده. واحد بالك ازاي؟ ويقول له هيتك ومش عارف يشرب - [00:52:49](#)

طب ايه اللي منعك انك تشرب هو في حد معك ها قال لك الصيام بالذات ليس فيه حظر نفس. عشان كده الله عز وجل ايه؟ فانه لي اي ان العبد في الصيام يحقق منزلة الاحسان. فان لم تكن تراه فانه يراك. ممكن يدخل الرياء ويحضر نفسه كل حاجة الا الايه؟ الصيام - [00:53:07](#)

يبقى الصيام عبادة محضة ام لا؟ جميل. ومع انها عبادة محضة محضة قدم حق الزوج عليه على حق الله فيه فقبل ما تصوم تقول له انا عايز اصوم يقول لها لا - [00:53:27](#)

خلاص تمثل ما تفتخلوش محضر وتقول لك انت بتتصد عن سبيل الله وانت مش عارف ايه الا تعلم كذا وكذا لا سيمما لو طالبة علم لسانها طول كده اهو. خلاص - [00:53:42](#)

فالنبي عليه الصلاة والسلام بيقول ايه؟ اذا كان الرجل حاضر في البيت ليس مسافرا لا تصوم المرأة الا باذنه غير رمضان لان رمضان فرض عليها وعليه طيب هذا القيد في الحديث - [00:53:55](#)

لا تصوم امرأة وزوجها شاهد يعني حاضر. القيد ده قال لك خرج مخرج الغالب خلاص لان كلمة لا تصوم امرأة وزوجها شاهد او حاضر. مفهوم المخالفة ايه؟ وتصوم وهو غائب - [00:54:11](#)

صح ليه؟ لان المرأة ليه ليه بتسأزن الرجل؟ احتمال ان يكون الرجل في حاجة الى المرأة فتصدقه بصيامها وحقه في اعفاف نفسه مقدم على الصيام خلاص كده لكن طب وهو غائب - [00:54:33](#)

ما هي الشمرة؟ انها تفطر ولا تصوم ما فيش سمر خلاص كده؟ يبقى القيد ده خرج ايه؟ خرج مخرج الغالب لان الرجل يحتاج الى المرأة لكن لو قال لها الرجل كلاما يجري في مجرى المنطق - [00:54:54](#)

فقال لها انا مسافر اهو ولا تصومي يبقى تصوم ليه تعارض منطق قوله مع مفهوم الحديث خلاص كده؟ ومثل هذا ايضا قوله صلى الله عليه وسلم اذا باتت المرأة هاجرة فراشا - [00:55:16](#)

زوجها لعنتها الملائكة حتى تصبح اذا باتت والبيات يكون ليلا ام نهار؟ يكون ليلا. جميل قوي. الرجل شغال بالليل في مصر اصنع في بتاع وجاب النهار فهاجرت المرأة فراش زوجها نهارا - [00:55:42](#)

تلحقها اللعنة ولا ا؟ ليه؟ اذا كان الحديد بيقول اذا باتت. فانت بقى جبت الكلام ده منين قال لك لان هذا الفعل انما يكون داعيته بالليل خلاص كده؟ - [00:56:05](#)

علشان كده خرج هذا مخرج الغالب تمام الكلام؟ فلما خرج مخرج الغالب اهدر مفهومه اذا باتت المرأة هاجرة فراش زوجها. اعكس هات مفهوم المخالفة اذا اصبحت المرأة هاجرة فراش زوجها - [00:56:26](#)

فقال لك علشان الكلام ده داعية الفعل تكون ليلا ام منبه على كده. مش معناها انه قال لك ان بالنهار اذا طلبها يبقى ايه؟ يبقى يجوز لها ان تمتتنع دي قواعد العلماء حاطينها في قاعدة واحدة ولسه لها ضوابط كثيرة - [00:56:51](#)

يعني مفهوم المخالفة ده مش نوع واحد ده انواع الصفة والاستثناء والنعت والكلام مفهوم اللقب والاستثناء وكل واحدة من دي وراها حدود كبيرة اصول الفقه ده حاجة كبيرة كده لما يكون بقى كل سطر عمالين نعمل له مجلدات. يأتي الجهلة الاغمار ويدخلوا

في الشريعة كده بصدرهم - 00:57:09

فاحنا بنقول اهو. ادي واحد عمال ينكر الحديث. ولا يعرف تأويله. ولو ردوه الى الرسول والى اولي الامر لعلماء الذين يستبطونه منه.  
لكن هو فرحان بطولة. فرحان بشبابه. امسك قلما واسمه طالع في الجرائد ففكر نفسه - 00:57:33

العريف فعمال يتكلم براحته بقى واغراه سكوت العلماء عنه وان الكفر الواضح الصالح بيطلع ولا حد بيقول للذى كتب انت  
فين يبقى لو ان ولي الامر بجراة قلم وهو قاعد حاطط رجل على رجل - 00:57:53

واحد في التكييف وبيشرب الشاي والا يتكلم في العلم الا اهل العلم وموقع استرخنا لكن هنفضل نتاجي لحد امنى يبقى ينفعني يا  
اخواننا ان احنا نعلم قدر الوالي العادل وكما قال الشافعي رحمة الله وهذا قول امام فاقه - 00:58:16

لو كانت لي دعوة مستجابة لادرتها لامام المسلمين. ده الواقع الاول واش حنان فيه واعظان واعظ وافق على رأس الصراط  
وواعظ وافق فوق تمام طيب له فوق شو يعني؟ يعني فوق في فوق السوريين يعني. مش احنا قلنا الصراط المستقيم سكة اهو -  
00:58:45

ادي سور وادي سور فيه ابواب وعلى كل باب سطور مرخاة قال لك وواعظ وداع فوق الصراط. هو مين دا بقى؟ قال لك واعظ  
الله في قلب كل مسلم - 00:59:22

الضمير بقى اللي ادعى الاول بيريه ما هو الذي اورث الخشية واورث المراقبة هو الداعي الاول وهو القرآن وقال لك ليه فوق؟ لانه  
حينئذ يصير من اهل البصر لما اكون فوق بقى شايف الابواب - 00:59:42

انا شايف اللي عايز يشد الستار غير لما ابقي تحت خلاص فقال لك الابواب دي حدود الله والستائر دي المناهي قال لك اووعي تزني.  
الزنا ده الباب المفتوح. الستارة المشدودة على باب الزنا اللي هو ايه؟ ولا تقربوا الزنا - 01:00:02

ولا يزنوا خلاص كده؟ فواحد قام شادد الستارة بقى عمل ايه في النهي؟ ضيعه ما بقى الا ان يدخل من الباب تمام؟ فاذا دخل من  
الباب بقى عمل ايه - 01:00:27

هتك حدود الله مش الابواب هي الحدود ها والسطور للنواهي فانه يقول له ويحك لا تلجه. لا تفتحه فانك اذا فتحته ولجته ده مين  
اللي بيكى ويحك؟ كتاب الله خلاص الوداع على - 01:00:49

رأس الصراط يقوم يستجيب لهذه الدعوة القلب اللي هو الواقع في ناس القرآن ما بيسرش فيها لكن جبان اذا رأى بارقة السيف او  
العقوبة يكف. ليس لوجه الله لكن خوفا من العقوبة - 01:01:12

والعقوبة دي مين اللي ماسكتها الوالي فاحنا امام رجلين رجل بيتفقى الله محترم كتاب ربنا عز وجل هو اللي ممشيه ده ممتاز واحد  
ليس في وجهه قطرة ماء انين الحيض - 01:01:36

ده ما ينفعش معه غير النبوت. نبوت الوالي بقى اللي هو عثمان ابن عفان قاله في المقوله الجميله قال ان الله لا يزع بالصل بالسلطان  
ما لا يزع بالقرآن قل له يا اخي ربنا بيكى لك يا اخي يعني ولا تأكلوا الربا. يقول لك معلش - 01:01:55

ما فيهوش حاجة. لا لا تتركوا اموالكم تأكلها الزكاة تفضل تدفع من الزكاة والكلام دهوت وبعددين الربا فيها ايه؟ انا ده ده ما اسموش  
ربا ده اسمه فك كربارات المحتججين - 01:02:15

ها فيسمونها بغير اسمها او ان الربا ربنا حرمه ازاي نعمل ايه؟ ها معلش سينا بالحزائقات دي ده كان زمان وبتاع انا عارف سكتي  
خلاص ده واحد مين اللي يأدبه - 01:02:30

القرآن بيقول له ولا تأكلوا الربا وهو ماشي ماضي قدما النبي صلى الله عليه وسلم يقول لا تسافر امرأة تؤمن بالله واليوم الاخر الا مع  
ذى حرم. يقول لك معلش الدنيا امان والمسافات دلوقتي - 01:02:46

والقطارات والسيارات والطائرات والبتاع ده والكلام ده كان زمان الله! يعني كان زمان كانوا قطاع طرق وكانوا كلهم زناة  
والكلام ده وانتم اللي اعفة ها والدنيا امان ده بيغتصبوا في في وضح النهار - 01:03:02

لسنة البنت آمن كم سنة البنت اللي اغتصبوا في ميدان العتب وطلع مسئول كبير يقول لك في كل حنة حتى في امريكا الله! حتى

في امريكا ده امريكا الاصل فيهم الزنا - 01:03:21

تقول لي مجهد كله. حتى امريكا فيها زنا يبقى احنا ما عندناش واديك شايف اهو الاغتصابات والبتابع والموجودة في صفحات الحوادث لا بارك الله فيها ولا في القائمين عليها صفحات اللي بتغري الفسقة بعمل الجرائم - 01:03:39

وبتصور المجتمع بأنه كرخانة كله بيقتل بعضه وكله بيذنب في بعضه والكلام ده ولو حاجبوا هذه المصائب عن الناس لظن الفاسق ان المجتمع نضيف وكويسيس فيخشى ان يقتل على الجريمة - 01:03:55

فهم بقى ده النهاردة الزنا بالانترنت. وفيه حاجة اسمها الجماع بالتليفون كلام فظيع وفيما هو ابعد من ذلك واخطر والمرأة بقى تتسافر في هذا الجو المكفهر للشرع ليس له سلطان في دول المسلمين الا ما - 01:04:10

شاء الله عز وجل النهاردة انا لما اسمع الكلام ادي عندي الداعي على رأس الصراط بيقول لي لا تفعل مين اللي ينفذها بقى الداعي الثاني اللي فوق اللي من اهل البصر لانه شايف من فوق. من اهل البصر. واعظ الله في قلب كل مسلم - 01:04:33

طيب انا اذا رأيت الداعي الاول يدعوا الى شيء او ينهى عن شيء فلم يتمثل العبد. يبقى العلة في قلبه طيب لماذا لم يستعلي لانه اهمل الداعي الاول - 01:04:56

ولو انه عظم كتاب الله لظهر هذا على سنته وقلبه. يبقى ده داعي مع داعي. الاثنين مرتبطين ببعض واحد متلقى والثاني بيشحن اللي بيشحن كتاب الله يملأ القلب بالإيمان والقلب هو المتلقى - 01:05:14

لابد ان احنا نعرف ان الداعي الاول لا يقيمه الا الوالي والعالم. الداع الثاني ده ثمرة الاستقامة على اوامر الداعي الاول وهو كلام الله عز وجل. اقول قولي هذا واستغفر الله لي ولكم. وصلى الله وسلم وبارك - 01:05:34

على نبينا محمد. معلش انا يعني باستميح اخوانى عذرا ان ما فيش حد يتعرض لي ولا يسألني. الله يحفزكم جزاكم الله خير - 01:05:53